

金石續編

金石續編卷第一

武進陸燿通纂

太倉陸增祥校訂

漢

成山宮銅渠斗款

神爵四年篆書在陽湖董氏

神爵四年漢宣帝卽位之十六年其明年改元五鳳矣東萊郡有成山太始三年武帝幸琅邪禮日成山神爵間立成山日祠於不夜地理志不夜有成山日祠文選子虛賦張揖注曰成山在東萊掖縣於其上築宮闕此云成山宮殆卽是此蓋立祠時所造也此器本先生所藏而編

中僅列諸目未錄其文殆忽於易耳繼爲董方
立索去嗣歸呂氏迨經兵燹呂氏所蓄蕩然無
存卽非灰燼亦僭瓦礫矣噫以數千年之故物
幸顯於世不久仍晦何其厄也然猶幸爲先生
所得尙存其名於斯編俾後來耆古之士尙可
攷而知之其不幸而爲僇夫所有舉世莫得而
知之雖顯猶晦者正復不知凡幾故凡編中有
目無文者悉仍其名以俟補輯

陸增祥志

萊子侯石刻

高一尺五寸廣二尺二寸七分
行五字篆書在山東鄒縣孟廟

始建國天鳳三年二月十三日萊子

集易友人馬封使脩子良等用百八
人後子孫毋壞取

嶧山西南廿里曰臥虎山山陽皆土一石直南北臥
山足地勢高平儼然堂基此其西南隅附土者也形
方長上微弓中斷爲二色純青而堅西側近南處瑩
如碧玉之璞面正平不加追琢刻字其上以周尺度
之斷以南餘三尺許方二尺八寸隸七行行五字字
徑二寸五分界以豎格四線圖之外刻粗斜紋二寸
作邊則石盡矣其詞曰始建國天鳳三年二月十三
日彙疑萊子國在今萊州府去此太遠檢漢書亦不
得蓋莽之世官封地名更易封然當時或有不
知史不困事不盡見也抑或是他字子侯爲支人爲封使脩李岫作脩

釋備子食

字疑用百宗

字疑用仙云碑作余宗人

字疑用仙云碑作余宗人

字疑用仙云碑作余宗人

字疑用仙云碑作余宗人

字疑用仙云碑作余宗人

後子孫母壞敗計三十五字疑者四與曲阜五鳳二

年刻永平郡君摩崖是一家眷屬蓋未分隸初體也

獨念地非幽僻從古地志金石諸家均未著錄且久

歷雨淋日炙敲火礪角之劫而歸然煥然待時而顯

何與始天以人理滅絕至葬已極尙有此好義敦睦

之士足以扶道教而植人紀故愛護閭閻惜不使蠹沒

與余既刻誌歲月緣起於石側復詳爲之跋得石後

三月顏逢甲書

此石在鄒縣南臥虎山下幾二千季無人知者嘉慶

廿二年黻日士人孫生容王輔仲見之與滕縣孝廉

顏君逢甲送入孟廟考始建國天鳳二年係新王莽僭位之八年其稱天鳳而冠以始建國猶韃韃王莽侯鉦云始建國地皇上戊也其稱爲封者蓋封樹之封猶禮稱三斬板而已封及史載建武祀泰山使奉車子侯爲封封高一丈二尺之類顏君以爲封田贍族者非也百余人者用百餘人工築此封顏君釋爲宗人亦非惟萊子侯不可考或以萊州爲古萊子國或以爲葉子侯葉字之泐俱無所據王莽時封溢有貧而爲傭者史固不勝載而碑字又恍惚難憑闕之可耳其偕字亦不甚了了總之此石雖非後人僞刻亦係當時野制無深長意趣因近時新出姑縮刻

於西漢之末

馮雲鵬雲
鵠金石索

右石刻以建初尺度之高尺許廣尺一寸八分書七
行行五字行間有粗豎文作界字徑二寸許嘉慶庚
辰秋四明沈栗仲明府道寬來官湘南以搨本贈予
云近始出土栗仲時館山左因得椎拓數本攷周禮
冢人以爵等爲耶封之度鄭注別尊卑也王公曰耶
諸臣曰封禮記檀弓於是封之崇四尺鄭注聚土曰
封又我見封之若堂者矣鄭注築土爲壟形四方而
高又樂記封比干之墓鄭注積土爲封又按儀禮既
夕禮乃窆鄭注云窆下棺也今文窆爲封禮記檀弓
縣棺而封鄭注封當爲窆窆下棺也說文塋下云禮

記謂之封周官謂之窆易繫辭葬之中野不封不樹
虞翻注穿土稱封封古窆字也廣雅封冢也又案萊
乃萊之隸變禹貢萊夷作牧孔傳萊夷地名春秋襄
公二年左氏傳齊侯使諸姜宗婦來送葬召萊子不
會故晏弱城東陽以偪之杜氏注東陽齊竟上邑正
義云世族譜不知萊國之姓齊侯召萊子者不爲其
姓姜也以其比鄰蔑之故召又宣公七年穀梁傳公
會齊侯伐萊范注萊國名國語齊語萊莒韋注萊今
東萊又案孟子若伊尹萊朱趙岐章句萊朱湯賢臣
卽仲虺也春秋文公二年左氏傳晉與秦戰於殽萊
駒爲右又哀公廿四年傳有萊章杜注萊章齊大夫

是萊爲古姓本國名而正在齊地乃以國爲氏也此
刻所云萊子侯當是萊姓名子侯其下一字當是爲
而支人之支据許氏說文丈字當从十从又作支支
字當从巾从又作支然隸書變支爲丈變丈爲支此
刻支字不當讀爲丈人下一字乃象之變體漢郭君
碑豫字作豫其右旁正與此刻形相似玉篇作爲以
爲古文象字蓋支乃其人之姓人象則其名也莊子
有支離益廣韻支下云漢複姓又晉時有高僧支遁
後漢錄有司空支雄何氏姓苑云支氏琅邪人偕子
食當亦是人姓名偕疑儲之省文廣韻云儲姓後漢
有儲太伯子攷後漢書鮑永傳光武卽位遺諫議大

夫儲大伯持節徵永章懷注引風俗通曰儲姓齊大夫儲子之後也而漢書王莽傳有上谷儲夏正在其時蓋萊子侯使偕子食等用百余人爲支人象封其冢而刻石以戒其子孫者也餘古省作余周禮地官委人凡其余聚以待頒賜漢吳仲山碑父有余財皆以余爲餘攷漢書王莽傳莽於居攝三年十一月改初始元年篡位改定有天下號曰新以十二月癸酉爲建國元年正月之朔至五年又改明年爲天鳳元年以改元更號而論旣稱天鳳不當復稱始建國然莽傳前言莽先建元初始後改元建國不云始建國而於後言建國元年正月上仍係以始字則於始建

國六年所謂改元天鳳者當是增天鳳二字於始建國之下故此刻稱始建國天鳳三年耳据此可以證史家紀載之失實葉石林避暑錄話云韓丞相王汝家藏銅科銘稱始建國天鳳上戊六年据漢書莽改始建國六年爲天鳳元年而不言其因今天鳳上猶冒始建國蓋通爲一稱未嘗去舊號上戊莽所作匾名也又洪氏隸釋跋蜀郡太守何君閣道碑有建武中元二年之文云紹興中郭浩知金州田夫耕得一鉏其銘云新始建國地皇上戊二年今此刻但無上戊二字正可與葉洪二君所言互相證明此刻結體秀勁古茂在上谷府卿祝其卿二墳壇石刻之上尙

是西漢文字可寶也

隴中洛古泉山
館金石文編

顏東田孝廉逢甲滕人篤誨好古丁丑秋攜友道臥
虎山下踞石小憩其端整似經匠手落蘚從橫彷彿
文字遂汲泉洗濯搨以故紙點畫畢見時先君子司
鐸其縣顏以初搨本見詒且手跋其尾辨論甚精余
見近人金石索一書縮刻於西漢之末本來面目十
無一二矣而其跋識鄙爲野制無深長意趣不知原
刻正以朴拙倍見古情今人無事不勝古人惟朴拙
萬不可及而以爲譏何與又案所云爲封與史載建
武祀泰山使奉車子侯同義不知何由目爲野制頭
環首尾味其文義封田贍族說無可疑石索以封爲

封禪之封季氏旅於泰山孔子歎之子侯人臣何敢
妄議封禪且章章勒石邪封土封石非大工動眾不
用百餘人百餘人運下成文卽上所云支人也言凡
我本支百餘人其後嗣子孫庶幾永保此所封之田
毋壞敗也卽古鐘鼎彝器子孫永寶用之類也文義
明白若此猶復疑義百出異哉道光丙戌初秋諸戚
王金策題

兩漢隸法傳於世者以五鳳磚刻爲最古五鳳磚在
曲阜孔林此刻今置鄒縣孟廟斷珪零璧數千百年
後得託聖賢林廟以永其傳亦盛事也薛尙功鍾鼎
款識載有漢注水匱阮芸臺尙書積古齋鍾鼎彝器

款識載有新莽銅權二皆作於始建國元年薛以始
建國爲初始改元之明年阮謂卽初始元年之十二
月此刻稱天鳳三年則在莽卽位之八年矣不應復
以舊號冠首竊疑莽自立時尙未建年號姑以始建
國紀年故改元後時人猶以此加於年號之上非重
紀也顏跋所釋萊字攷漢書各表雖無萊子侯之封
而其文則爲萊字無疑也惟封使下一字顏釋備字
岫仙疑之其字當是貸之省文漢至北朝人書貳作
貳亦省貝爲日漢吳仲山碑書貸作儼亦增代爲伐
可證其云貸子食等用者謂以所得封田貸於族眾
也百余人之余岫仙以爲餘字省文其說是矣

黃本
漢跋

案萊子侯刻石文云始建國天鳳三年二月十三日萊子侯爲支人爲封使偕子會等用百余人後子孫毋壞取凡三十五字漢書王子侯表孝武以諸侯王置土過制或替差失軌而子弟爲匹夫輕重不相準詔諸侯王欲推私恩分子弟邑者令各條上定其號名自是支庶畢侯師古曰侯所食邑皆書其郡縣於下其有不書者史失之此萊子侯乃王子侯之食邑于萊者足補班史所闕但未審其次繫爲何王之後耳又後漢陽城恭王傳葬纂立劉氏爲侯者皆降稱子子侯之稱或卽葬制與莽以初始元年十二月爲始建國元年五年改元

天鳳天鳳六年改元地皇此稱始建國天鳳三年
者洪氏隸釋云莽漢之際習俗相尚以卽位初元
冠于新國之上所載銅科銘云新始建國天鳳上
戊六年候鉦銘云新始建國地皇上戊二年與此
相類如光武建元建武改元中元而蜀郡太守何
君閣道碑及范書祭祀志東夷傳皆有建武中元
之文亦此例也支人言族人也聚土曰封周禮大
司徒制其地域而溝封之注封起土界也土在溝
上謂之封儲子疑卽諸子食其名余與餘同吳仲
山碑父有余財亦作余江蕭釋美作美儲作者後
作役洪顧道釋儲作儲皆未審

案馮氏石索釋食作良亦各自爲說耳

陸留祥志

會稽冢地刻石

學崖高三尺廣五尺五行行四字額高二尺廣一尺題大吉二字並隸書在浙江會稽縣東南烏石村

大吉

昆弟六人共買山地建初元年
建地直三萬錢

案石刻凡廿二字文曰昆弟六人共買山地建初元年建此冢地直三萬錢又於上方題大吉二字建初元年後漢章帝嗣位之始年也迄今道光三年凡千七百四十八年縣人杜孝廉煦偕弟春生訪得之于與南海吳布政

榮光

仁和趙明經題

名山下其地土名跳山卽烏石山也迭此之迭趙

杜釋作住錢唐何

元錫

釋作作臨海洪州判

顧道

釋作迭云迭卽造字省口予合數撮本辨之迭字甚顯洪說無疑冢地之冢趙釋作眾亦誤冢作冢與隸續所載延熹五年真道家地碑正同杜春生字禾子集會稽山陰金石作越中金石記云是刻土人傳爲錢武肅王微時販鹽官軍捕之逃避此山而免因於石壁書大吉字明人据入邑志不知大吉下尙有二十字也予親剔落蘇寸許其文始見金石家從未著錄卽嘉泰以來纂郡邑志者亦所未覩乃知大吉二字爲冢地言後人偶有見錢

字者因傳會爲武肅矣洪頤煊平津讀碑記云漢人造作必記其所直之數如武氏石闕銘造此石闕直錢十五萬作師子直四萬蓋其風俗然也

李昭碑

喪本高廣行字無攷字徑三寸額題漢故李君之碑六字字徑四寸並篆書藏陽湖趙氏

君諱昭字伯明其先富波君忠孝企仁行措實體

彌隆闕帝曰掾叟召見嘉其忠孝闕琴塏中選雒陽

長吏換健爲闕嗣鑠其德于我李君其德闕元初五季

三月三日卒闕勒

案李昭碑喪本十四番題額三行行二字碑文廿四行行三字可辨者六十三字如其數錄之文旣

殘闕表褫亦有失次此與中平二年王知殘碑合
爲一冊陽湖趙氏味辛齋所藏錢詹事

大昕識其

後云槌爲之槌从木與何君開道碑文同說文無
槌字大徐新附有之不足据也彌本从長而漢隸
多作弓有此篆書亦从弓蓋漢時別體許祭酒不
能盡收耳雒陽長史漢志未載此官豈偶置而旋
罷與洪編修

亮吉

記曰碑言其先富波富波永元

中復距此止二十年案和帝嗣位改元永元歲在
己丑元初五年爲安帝在位之十二年戊午歲也
原本以正書錄之未見搨本姑仍其舊後王知

殘碑同

陸增祥志

潁川太守太室題名

延光四年三月篆書

右刻在太室闕額下磨泐已甚十不存一可辨者惟延光四年三月及孔子大聖潁川太守楊十數字耳不錄錢氏潛研堂目作潁州誤

陸增祥志

右扶風丞李君通閣道記

高二尺三寸廣一尺六寸隸書七行行十字至十三字不等在陝西褒城縣石門西壁

右扶風丞韃爲武陽李君諱禹

字季士以永壽元年中始解

大臺政由其興

安平之

愛萬民懽喜行人蒙福君故授

益州從事再舉孝廉尚符璽郎

巴郡胸忍令換漢中成固令遷宜

禾都尉

右殘刻存六行零三字餘不可曉每行字數不等剝落殊甚故同在褒谷而歐趙洪婁諸家俱未採錄味其語意解大臺由卑下賈民懽喜行人蒙福蓋亦去險就夷以便于民故爲之刻石紀功如開通褒斜橋格及石門頌之類不可沒也乃伋佛臨摹存其大概李君字季士諱雪雪不可識必有闕悞處有以爲禹字者殊不相似未敢定也苡字拊字亦不可辨姑存之宜禾都尉之名它處亦未見

石索

案後漢右扶風丞武陽李君摩崖記刻石門西壁

石門二大字之南自來金石家皆未著錄嘉慶中

安康縣知縣諸城王君

森文

搜剔得之搨以寄示

海內流傳始此嘗以王氏搨本與仁和趙氏

魏元

和顧氏

千里

南海吳氏

榮光

藏本參之可辨者七

十二字雖末行都尉下漫漶不能卒讀而李君姓

名爵里固已粲然其稱永壽元年者追紀李君歷

官之年非卽刻石之年也漢書百官公卿表右扶

風治內史右地與左馮翊京兆尹爲三輔皆有兩

丞右扶風二千石丞六百石後漢百官志中興都

雒陽河南郡爲尹以三輔陵廟所在不改其號但

減其秩又少府屬有尙符璽郎中四人書作璽石
刻作璽與張納功德敘璽書封都亭侯同郡國志
武陽屬犍爲郡書作犍石刻作犍與楊君石門頌
馮緄碑並同朐忍屬巴郡成固屬漢中郡宜禾都
尉屬敦煌郡廣至縣治昆侖障西域傳明帝永平
十六年征匈奴取伊吾盧地置宜禾都尉以屯田
遂通西域此記刻於桓帝永壽之後置宜禾都尉
已八十餘年李君歷官巴益漢中蓋嘗修治孔道
故云行人蒙福紀其治蹟足以媲美鄱陽王君愛
古表章漢刻亦晏南鄭之流也

馮氏石索縮摹此刻禹作雷興安作卑下平下

缺之字萬作賈授益州三字皆缺符作書下缺
璽郎二字換作納中下作固下缺二字呂余所
得搨本校之禹字不誤平下之字尚可辨萬字
不誤授益州及符璽字均不可見而郎字則尙
存也令遷二字均可約辨而固上似僅一字也
曼患難定悉仍其舊

陸增祥志

堂谿典崇高廟請雨銘

刻開母廟石闕第三層隸書每行五字前後並剝蝕
舊搨本可辨者十六行今存銘文後八行在河南登
封縣

口時口五官中郎將鴈陵堂谿典伯
并臺平四年來請雨崇高廟典大君

諱協字季度自爲郡王薄伯闢銘文
後舉孝廉西鄂長史終叙曰於惟我
君明允廣淵學兼游夏德配臧文歿
而不朽實有立言其言惟何

後闕

案銘刻前後剝落惟銘文以下至其言惟凡八行
共四十字明晰可辨前八行則就吳玉搢金石存
錄入伯井二字本趙氏金石錄足之非全文也後
漢靈帝紀熹平五年四月復崇高山名爲嵩高山
注前書武帝祠中岳改嵩高爲崇高東觀記曰使
中郎將堂谿典請雨因上言改之名爲嵩高山改
名在五年請雨在四年故尙稱崇高廟也典大君

諱協字季度爲郡主簿作闕銘文後舉孝廉西鄂
長早終熹平四年典來請雨重勒此銘後漢延篤
傳少從潁川唐谿典受左氏傳注引先賢行述曰
典字季度爲西鄂長風俗通曰吳夫槩王奔楚封
唐谿因以爲氏典爲五官中郎將唐與堂同以典
與季度合爲一人乃先賢行述之誤季度名協爲
西鄂長典字伯并爲五官中郎將是刻可證也西
鄂後漢屬荊州南陽郡風俗通本春秋左氏傳傳
作堂谿應氏引作唐谿姓纂作棠谿十一唐引左
傳吳王闔閭弟夫槩王奔楚爲棠谿氏漢書棠谿
惠治公羊又五官中郎將棠谿典字皆作棠今本

左傳作堂漢書作唐不知姓纂所据何本漢書地理志僞陵後漢郡國志作隰陵並潁川郡

自爲二字及末行何字据石索補入崇高石索作嵩高誤請雨時未復故名也牛氏金石圖題爲季度銘者未見前五行也典作興鄂作郢早作卑誤也大君父也金石記引鄭固碑云七歲而夭大君夫人所共哀也是也隰陵左氏傳作鄢許氏說文亦作鄢左氏莊廿八年傳釋文引字林鄢作隰鄢正字僞借字隰通用字从邑从阜之字互用者甚多也堂與唐同史記魏世家倉唐漢書古今人表作堂淮南子唐牙莫之鼓

也注云唐猶堂皆其證也堂與棠亦通廣韻棠字注吳王闔閭弟夫概奔楚爲棠谿氏又堂字注引風俗通堂楚邑大夫五尙爲之其後氏焉案卽昭二十年棠君尙也楚辭棠谿注利劍也廣雅作堂谿史記齊世家索隱引管子棠巫今本作堂詩有紀有堂白帖引作有杞有棠皆其證也又案列子而遊于棠行注云棠當作塘塘古只作唐大徐新附始有之是唐亦可作棠也

陸增祥志

王知殘碑

裴本高廣行字無攷字徑三寸餘額題漢故王君之碑六字字徑四寸餘並篆書藏陽朔趙氏

府君諱知正周文口之緒也闕而清咏昇闕魏太守王
賜令知闕政之風洵世德矣中平二年作文銘口勒碑
已俛垂口不闕

案王知殘碑存四十有一字與元初五年李昭碑
合冊爲趙先生懷玉所藏相傳乾隆初出於寶雞
縣田間褚千峯搨數紙再訪則石存而文已剝去
中平二年爲漢靈帝在位之十八年王君無攷郡
太守王陽後漢書無傳亦不詳何人也

仙人唐公昉碑陰

前碑高廣已見萃編碑陰十五行行九
字至十二字不等錄書在陝西城固縣

故江陽守長成固楊晏字平仲

東部督郅成固左小字元術

故江陽守長南鄭楊銀字伯慎

蒙太南鄭祝龜字元靈

司徒掾南鄭祝楊字孔達

蒙太南鄭祝岱字子舉

故益州從事南鄭祝忱字子文

蒙太南鄭祝恒字仲舉

蒙太南鄭祝朗字德靈

蒙太南鄭祝崇字季舉

太守史南鄭祝榮字文舉

太守史南鄭趙英字秀才

張亦南鄭劉通字海口

故褒中守尉南鄭趙忠字元楚

口口南鄭楊鳳字孔鸞

案仙人唐公房碑陰題名十五人成固二南鄭十三其員職有江陽守長東部督郵司徒掾益州從事太守史褒中守尉之屬無員職者稱處士蓋卽前碑所云羣義是也唐公房碑萃編已錄碑載公房以王莽居攝時得道舉家俱濟歷世莫紀後云漢中太守南陽郭君諱芝字公載躬損俸錢倡率羣義繕廣斯廟又云刻石昭音揚君靈譽是其繕廟刻石皆當後漢繕廟者爲郭芝倡義而刻石不

著撰書之人固卽碑陰題名之羣義爲郭君揚譽
矣洪氏以碑爲郭芝所立殊未審也集古錄云郭
芝爲公所脩廟記漢書地理志漢中郡縣有南鄭
褒中成固隄爲郡縣有江陽並益州所部後漢郡
國志同百官志諸州皆有從事史益州十二每郡
皆置諸曹掾史其監屬縣有五部督郵每縣邑道
大者置令一人千石次者置長四百石小者置長
三百石縣萬戶以上爲令不滿爲長丞各一人尉
大縣二人小縣一人各署諸曹掾史與此碑所書
員職並合督郵卽督郵隸省作郵或作邾北海相
景君碑陰中部督郵韓勅碑陰故督郵魯开輝故

督邳魯趙燁與壽碑陰故督邳陳瑋公故督邳與
剏生衡方碑化連邳置字並作邳可以互證此碑
連額高八尺餘額去三分之一有穿碑陰之額別
有隸書五行刻於穿右剏落尤甚諦觀搨本惟提
點等字可辨蓋後人題記故洪氏未錄

吳

九真太守谷朗碑

碑高三尺五寸廣二尺四寸五分十八行行廿四字
額高一尺七寸一行題吳故九真太守谷府君之碑
十一字並隸書字徑
寸許在湖南耒陽縣

府君諱朗字義先桂陽耒陽人豫章
府君出曾孫公府君出孫郎中君出

子也其先出自顓頊蓋為舜虞賜姓
嬴氏至于靡子封於秦谷因而氏焉
君承洪原出清沅稟秉世出高素履
道思頓德行純脩三歲喪母十一亡
父獨與弟居承奉繼親和顏悅色孝
次溫恭曾閔出操君其蹈焉弱冠仕
郡廕右職少陽安長游問宣淫遂外
王府除郎中尚書令史郡中正遷長
沙劉陽令播渥惠以育物垂仁恩以
希仁莅政未期徵拜立忠都尉尚書
郎靖密樞機名冠衆僚遷部廣州督

軍校尉正身率下不畏彊禦
沅清蕩濁萬里肅齊功成辭退拜五官郎中
遷大中正平衡清格彝倫攸敘于耆
交州竊色叛國戎車婁駕于戈未戢
帝思俾乂訓咨羣司僉以君任部南
州威恩素著遷九真太守君稟明德
所歷每勲宜延遐紀光讚皇家如何
不永春秋五十有四鳳皇元年四月
乙未寢疾而卒嗚呼哀哉凡百君子
莫不嗟痛乃立碑作頌以顯行績其
詞曰

於鑠府君稟性玄通積行閨闕九族
睦靡羽儀上京德與雲騰入蹈丹墀
夙夜靖恭出撫黎民風移俗興名朶
豹產勲齊往繼當永黃耆翼佐帝庸
昊天不弔哲人其終濟濟縉紳靡瞻
靡宗勒茲玄石永光無窮

右谷朗者事吳爲九真太守碑無書撰人名氏其序
云府君諱朗字義先桂陽耒陽人豫章府君之曾孫
公府君之孫郎中君之子也其先出自顓頊益爲舜
虞賜姓嬴氏至于靡子封於秦谷因而氏焉谷氏在
吳不顯史傳無所見所謂豫章府君而下三世皆莫

知其名字案秦本紀非子已於秦而此與朗子永寧

侯相碑皆爲靡子莫詳其義也

集古錄跋

隸書不著書撰人名氏朗字義先桂陽耒陽人仕至

九真太守歸命侯鳳皇元年四月卒年三十四碑在

耒陽縣

集古錄目

第二百八十四吳九真太守谷府君碑孫皓鳳皇元

年

金石錄目

在耒陽縣不注人氏但云鳳皇元年立

輿地碑目

右九真太守谷朗碑吳鳳皇元年立在衡州府耒陽

縣此碑首見歐公集古錄跋趙氏金石錄有目而無

跋耒陽漢屬桂陽郡碑敘谷君歷官初仕郡歷右職

守陽安長升王府除郎中尙書令史郡中正遷劉陽
令徵拜立忠都尉尙書郎遷部廣州督軍校尉拜五
官郎中遷大中正又遷九真太守鳳皇元年四月卒
攷鳳皇元年乃歸命侯孫皓在位之九年也九真太
守置自漢武帝元鼎六年後漢隸交州刺史部吳仍
之碑云于皆交州竊邑叛國戎車屢駕于戈未戢帝
思俾乂訓咨羣司僉以君任部南州威恩素著遷九
真太守攷吳志孫亮永安六年五月交阯郡吏呂興
等反殺太守孫諸遣使如魏請太守及兵七年分交
州置廣州孫皓元興元年魏置交阯太守之郡寶鼎
元年遣交阯刺史劉俊前部督修則等入擊交阯爲

晉將毛炅等所破皆死兵散還合浦建衡元年十一月遣監軍虞汜等就合浦擊交阯禽殺晉所置守將九真日南皆還屬朗爲九真太守當在是時卽鳳皇元年之前一年也碑敘其先出自嶺瑱益爲舜虞賜姓嬴氏與史記秦本紀略同惟云屏子封於秦谷因而氏焉本紀並無其文攷漢書地理志云非子周孝王養馬汧渭之間孝王曰昔伯益知禽獸子孫不絕廼封爲附庸邑之於秦今隴西秦亭秦谷是也又鄭康成毛詩秦風譜與地理志略同皆不云以谷爲氏惟秦本紀云大費生子二人一曰太廉實鳥谷氏一曰若本實費氏蓋或卽鳥谷氏之後案秦本紀太廉

尙在非子之前與碑亦不合而漢書谷永傳言長安人碑又未及其人益爲舜虞見虞書漢書古今人表地理志及列子皆作伯益秦本紀毛詩譜皆作柏翳小司馬索隱作伯翳云尙書謂之伯益伯柏古字通翳益聲之轉耳扉子班馬二史並作非子惟路史後紀注與碑同扉從非得聲古書可通用也劉陽今作瀏陽攷吳分臨湘縣地置瀏陽三國志潘濬傳及晉書地理志俱與碑同可知水旁爲後人所增疇咨之疇作訓攷說文引虞書作畷而言部有訓字訓譌也漢魏元丕碑劉寬碑鄭烈碑俱用此字碑銘詞有云名梟豹產者豹謂西門豹產謂鄭子產也漢人習用

此語劉寬碑云口踰產豹魯峻碑云比縱豹產與此
同意桑字說文訓羣鳥鳴也从品在木上後人又加
口有作噪非是碑以往縱爲往蹤與漢夏承鄧仲奇
趙固令魯峻高彪諸碑同攷說文無蹤字古人皆用
縱也又流作涪見公羊傳黎作梨屢見漢碑皆隸變
通用字此碑文詞古雅隸體端勁有法其時去東京
未遠尙多漢人遺意當與漢碑同爲墨林寶藏自歐
公以後諸家罕有攷跋予襲於外舅潛研堂見舊榻
本手錄其文內有數字殘缺比來湘南徧託友朋訪
榻未獲昨徐星伯學使按試衡郡回以副本見貽重
爲校錄一過并題其後以識之 又案碑舊在縣東

五里又五里爲谷府君祠卽祀朗者今在縣北杜工部祠內不知何人所移碑文凡十八行行二十四字八分書張應星縣志載其文脫誤甚多賴碑尙在可据以補正之又攷通志畧秦氏注云蜚廉生二子曰惡來其後爲秦二曰季騰其後爲趙惡來之後五世曰非子初封於秦谷爲秦氏秦谷故隴西秦亭是也後徙封平陽復遷岐豐之間又遷於犬邱又遷於雍及櫟陽咸陽皆本於秦谷故號秦焉鄭漁仲所述大略本之漢書地理志但以秦谷爲秦氏得姓之始而不知谷氏亦出於此廣韻一書於姓氏郡望載之畧詳獨於谷下及鳥下均未言之皆可据以補氏族

書之道者也 又案谷朗碑僻在楚南下邑拓本頗

難得予在長沙先承學使徐星伯太史見惠嗣修通志撰金石志廿卷据以錄入逮志書刻成復有友人拓一本相餉始見其有額一行直書吳故九真太守谷府君之碑十一字亦隸書與碑文字體大小相同其式近似漢碑第不作篆書大字耳乃知趙德甫稱爲吳九真太守谷府君碑者据其題額書之也碑銘文末下有小正書約五行文皆漫滅僅存數字恐是近代人筆或記其遷碑始末耳

古泉山館金石文編

碑文經後人所剗精采殊損惟額字尙仍其舊
比校之顯然也錢氏臧本殘缺數字今拓本僅

一齊字不可辨集古錄目云年三十四今本頗似五字山自顓頊之出非證以集古錄跋幾誤讀爲世皆剗鑿之明證也湖南通志載此文三十作五十閨闕作閨閱往縱作往蹤均誤續修者當据石正之

陸增祥志

晉

升平磚文二種

長一尺二寸廣半之上厚三寸末半之磚
側錄書一行十字陽文江西南昌縣出土

晉升平元丰樂安光氏立

案晉穆帝永和十三年歲在丁巳改元升平後漢郡國志青州樂安國樂安縣晉宋並同隋罷郡太

平寰字記樂安九姓不及光氏集韻光氏田光後
秦末子孫避地以光爲氏晉有光逸字孟祖樂安
人元帝中興爲給事中晉書有傳又苻秦時僕射
清河光祚通鑑註姓譜燕人田光之後道光四年
冬南昌建義倉掘地取土得磚數枚知縣事文海
驗其文知爲晉人塋隧卽爲封塋予時在伊爾根
覺羅撫部成格幕府與宋姨弟翔鳳各得一磚

又長

一尺一寸廣半之厚一寸五分磚側左方正書一
行存十字下方一字並易文出浙江湖州今藏余家

升平元年十月廿三辛巳口

沈

右磚琢研研額刻升平元年磚研六字正書研陰
刻升平之始實繼永和用磚琢研旣琢復磨戊寅

六月廿有七日收庵銘季由書凡三十一字州書
收庵者青州司馬趙先生懷玉退老之室其從子
學轍字季由時守湖州得碑製研因以贈予東晉
穆帝升平元年丁巳至今嘉慶二十三年戊寅凡
一千四百六十一年

前秦

鄭能進修鄧艾祠碑

表本高廣行字不計
正書在陝西蒲城縣

大秦苻氏建元三年歲在丁卯馮翊護軍建威將軍秦
車都尉城安縣侯華山鄭能進字瓘道聖世鎮南參軍
水衡都尉石安令治書侍御史南軍督都水使者破除

爲護軍甘露四年十二月廿五日到官以地接元朔給

兵三百人軍而

吏屬

一百五十人統和國戎鄜城洛川

定陽五部領屠各上郡夫施黑羗白羗高涼西羗盧水

白盧支胡粟特吾水雜戶七千夷類十二種兼統夏陽

治在職六載進無異才履性忠孝事上恪勤夙夜匪懈

以太尉鄧公祠張馮翊所造歲久頽朽因舊修飭故記

之以其年六月左降爲尙書庫部郎護軍司馬奉車都

尉關內侯始平解虔安

字

文聖世水衡令蒲子北掘令

安遠將軍司馬都水參軍被除爲司馬

軍參事北地靈武孟□□廣軍參事和戎鉗耳□□龍

軍門下督和戎鉗耳□世庸軍功曹和戎鉗耳□當世

與軍主簿河西臨晉陽萬世和軍主簿和戎雷夫龍

道

臧口軍主簿河西

重泉范高延恩

軍主簿和戎雷

遠子

交軍主簿和戎雷川口光

軍主簿和戎雷口景文軍主簿和戎西羌騎世龍軍錄事和戎雷顏道口軍錄事和戎賞陸道口軍錄事和戎

僕蒙琰子

言

功曹書佐和戎雷陵道進功曹書佐和戎

僕蒙口彥詳

軍參事北地富平楊洸少論軍門下督馮翊朱進超石軍功曹陳戎蓋周彥容軍主簿陳戎郝子靈永文軍主簿陳戎屈口童道詵軍主簿陳戎世永長軍主簿陳戎雷樹進雙軍錄事馮翊呂騫帙軍錄事陳戎賞投

鈔詳軍功曹書佐團戎利非口永遠治下部大鉗耳丁
比

右修鄧太尉祠首題大秦苻氏建元三年歲在丁卯
攷建元之號漢武帝晉康帝劉聰皆嘗稱之此加苻
氏於建元之上意欲別於前代而失紀事之體蓋武
臣不學者所為也碑爲馮翊護軍鄭能進修祠而作
先云以甘露四年到官又云在職六載末云以其年
六月左降爲尚書庫部郎自甘露四年壬戌至建元
三年丁卯恰是六載吾友吳山夫撰金石存列此碑
於曹魏之世而未見全文但以甘露紀年意之不知
其爲苻秦之甘露非魏甘露也碑書膚施爲夫施北

屈爲北掘皆以音同假借而題名軍主簿數人字皆从艸則以去漢未遠間存古法也鄧太尉卽魏之鄧艾水經注濮陽城南有魏使持節征西將軍太尉方城侯鄧艾廟尚有艾碑秦建元十二年廣武將軍宛州刺史關內侯安定彭超立此別是一碑亦見艾之威德及人久而不忘也艾從艾聲今人讀艾爲兩音實則一聲之轉古人無甚區別如鼃錯之錯不妨去入兩讀矣魏志艾始封方城亭侯進封方城鄉侯又進封鄧侯而水經注但稱方城侯豈以封號與姓相涉舉舊封以示別與抑史有誤文與

潛研堂金石文跋尾續

符秦石刻傳於今者惟陝西宜君縣之建元四年廣

武將軍口產碑及此耳口產碑王侍郎金石萃編已載之其首行有建元四年歲在丙辰字武虛谷太令授堂金石跋据此以駁紀元彙攷作戊辰之非今此刻在其前一年而稱歲在丁卯則口產碑丙字乃戊字之誤明矣口產碑有碑陰其題諸官名姓有所謂酋大王酋大及某部大王某部大者此碑末亦有治下部大之稱蓋皆其所置官屬之名也又其複姓有僞蒙者二攷廣韻去聲僞下云西羌複姓有僞蒙氏又其複姓有鉗耳者三見周保定四年聖母寺像碑宋刻汝帖亦收有隋鉗耳君碑又有一人稱利非口永遠者亦似複姓攷聖母寺碑有複姓荔非者三人

又新唐書李光弼傳有裨將荔非元礼蓋荔非即利
非皆羌酋之複姓也趙氏金石錄有方城侯鄧艾碑
不著年代亦不言在何地其跋下注晉時立亦不言
何人此文中則云太尉鄧公祠張馮翊所造碑今在
陝西蒲城縣山陽吳氏金石存既不知碑之所在又
因文中有甘露四年而未審出前之建元三年誤作
三國時魏碑所錄全文又多脫誤外舅潛研堂金石
文跋尾弟四集有此碑之跋攷之甚詳大略本趙德
甫之言

古泉山館
金石文編

宋

國州刺史龔龍顏碑

高一丈五寸廣四尺一寸廿四行行四十五字額高二尺八寸上刻兩蟠龍下中穿徑五寸六分左右日月各徑五寸日中刻跋烏月中刻蟠螭穿上高八寸廣一尺五寸六行行四字題宋故龍驤將軍護鎮贊校尉團州刺史印都縣侯襲使君之碑廿四字並正書在雲南陸涼州東南二十里貞元堡

君諱龍顏字仕德建寧同樂縣人其先世則少昊顓頊之罔胃才子祝融之眇胤也清源流而不滯深根固而不傾夏后之盛敷陳五教勲隆九土純化洽于千古仁功播於万祀故乃耀輝西岳霸王郢楚子文詔德於春秋斑朗紹繼於季漢陽九運否蟬蛻河東逍遙中原斑彪剛定漢記斑固述脩道訓爰暨漢末某邑於燕因氏族焉姻婭媾於公族振纓蕃乎王室迺祖肅魏尚書僕射河南尹位均九例舒翮中朝通運庸蜀流薄南人樹

安九世千柯繁茂萬葉雲興鄉望標於四姓邈冠類於
上京瑛豪繼體於茲而美祖晉建寧太守龍驤
將軍寧州刺史孝龍驤輔國將軍八郡監軍晉建寧
二郡太守追謚寧州刺史邛都縣侯金紫累跡朱黻充
庭君承尚書之玄孫監軍之令子也容貌瑋於時倫貞
操超於門友溫良沖挹在家必聞本州札命主簿不就
三辟別駕從事吏正式當朝靖拱端右仁薦類於朝野
清名扇於遐邇舉義熙十年秀才除郎中相征西鎮遼
南鐵府行參軍除試守建寧太守剖符本邦衣錦晝遊
民歌其德士詠其風於是貫伍鄉朝本州司馬長史而
君素懷慷慨志存遠御萬里歸闕除散騎侍郎進無他

容退無愠色忠誠簡於帝心芳風宜於天邑除龍驤將軍試守晉寧太守輅車越斧金章紫綬櫟戟幢幟襲封邛都縣侯歲在壬申百六邁豐州土擾亂東西二境凶豎俱暴緬成殺場君收合精銳五千之衆身伉矢石撲碎千計肅清邊隅君南中監石人情歸望選奉号龍驤將軍護鎮蠻校尉團州刺史邛都縣侯君姿瑛確之高略敦純懿之弘度獨步南境卓尔不羣雖子產之在鄭蔑以加焉是以蘭聲既暢福隆後嗣者矣自非愷悌君子孰能若斯也哉園天不吊寢疾弥篤享年六十一歲在丙戌十二月上旬薨梨庶痛悼宋夷傷懷天朝遠感追贈中牢之饋也故吏建寧趙吹之巴郡杜長子等仝

哀仁德永慕罔澤刊石樹碑褒尚休烈其頌曰

巍巍靈山峻高迢遞或躍在淵龍飛紫閣遐選君侯天
姿瑛哲縉紳踵門揚名四外東帛莢莢禮聘交會優遊
南境思沾華裊撫伺方岳勝殘去敏愍哉明后德重道
融綢繆七經騫騫運躬鳳翔京邑曾閔比蹤如何不吊
遇此繁霜良木摧枯光暉潛藏在三感慕孝友哀傷銘
述罔石千載垂功

祖已薨背孝志存銘記良願不遂奄然身終嗣孫碩子
等友于哀感仰尋彝訓永慕高蹤控勒在三仲秋七月
登山菜石樹立罔碑表殊勲於當世流芳風於千代故
記之 寧州長子驍罔早終次弟驍紹次弟驍暄次弟

聯崇等建樹此碑

大明二年歲次戊戌九月上旬壬子朔嗣孫碩□□□

□□碩萬碩思碩□碩羅碩闔俗等立

近碑府主簿益州杜萇子文建團燕道慶作

碑陰

左右各三列

府長史建團燕道文

鎮蠻長史建團燕世明

司馬建團燕德民

司馬建團燕順靖

錄事參軍武昌郡劉觀

錄事參軍建團毛璋子

功曹參軍建團孟達倫

功曹參軍朱提李融之

倉曹參軍建團燕口登

倉曹參軍牂牁柯謝國子

戶曹參軍建團周賢

戶曹參軍南廣楊道育

七兵參軍鴈門郡王令口

七兵參軍建國縣孫記

府功曹建國縣口

蠻府功曹建國李延祖

主簿建國趙道才

主簿建國孟令孫

右右方第一列

主簿建國孟順德

右右方第二列

錄事孟林

別駕建國縣敬祖

西曹劉道善

治中晉國趙世棧

戶曹尹仲常

主簿建國縣德融

記室張林熬

主簿建國孟林明

朝直張世保

西曹益國楊琮

麾下都督王道盈

西曹晉國駱雄

□□尹頭

右左方第一列

□□□文

□□康

右右方第三列

門下建團燕連

門下張尋

錄事弋陽郡舒佐

錄事萬敬

西曹建團周令活

西曹尹開

戶曹建團陳世敬

戶曹來林子

省事安上興稚圭

省事李道學

書佐建團孟羅

書佐單仲

幹張孫明

幹盛慶子

案燕龍顏建寧同樂縣人祖父以來世爲晉建
寧二郡太守寧州刺史宋書地理志寧州刺史今
領建寧晉寧牂牁平蠻夜郎朱提南廣建都西平
西河東河陽雲南興寧古梁水十五郡建寧太
守漢益州郡滇王國劉氏更名晉書領縣十三同
樂令晉武帝立晉寧太守晉惠帝永安二年
分建寧西七縣爲益州郡懷帝更名晉書永嘉二
年改益州郡
晉書台攷三國志晉書華陽國志南中志大同志
通鑑諸書蜀漢建興三年諸葛亮南征改益州爲
建寧以李恢爲太守移南中勁卒爲五部分配大

姓焦雍婁婁孟量毛李爲部曲號五子故南人言

四姓五子

即碑所云鄉望標於四姓

收其俊傑建團婁習爲官

屬習官至領軍魏咸熙初建團婁谷爲交趾太守

婁谷卒婁能等將兵晉武帝泰始七年分益州之

建團興古雲南交州之永昌合四郡爲團州太康

中罷團州置南夷校尉統五十八部夷族惠帝太

安初南夷校尉李毅行部永昌從事孫辨上南中

形勢七郡斗絕晉弱夷強應復團州以相鎮慰詔

復置團州增統牂牁益州朱提合七郡爲刺史加

龍驤將軍成都縣侯後南夷屢叛李雄稱帝建團

大姓婁量婁深附之

通鑑晉永興二年建興婁量婁深附李雄

南中盡爲

李氏所有乃分團州置交州以襄深爲交州刺史
此劉宋以前團州建置之大略襄氏之所由強也
襄本邑名因爲氏族戰國時巴團襄襄見魏策此
襄氏之取先者碑云迺祖肅魏尚書僕射河南尹
元和姓纂河南尹襄肅見謝承後漢書龍顏爲肅
因孫其祖父皆書爵不名晉書穆帝紀永和元年
李勢將襄頽來奔姓纂有團州刺史襄頽或即龍
顏之祖又引蜀志交趾刺史襄琛當是交州刺史
襄深之誤晉書王遜傳遜使襄琛距李驤戰於堂
狼深爲蜀漢時人琛爲東晉時人相去六十餘年
諸書往往誤台襄氏之盛始於漢晉間乘中國擾

亂雄長羣蠻分統其地隋唐以來西爨白蠻東爨
烏蠻屢徙復振朝貢通款史不絕書此爨之著姓
分土碑所謂南中磐石人情歸望者也宋書文帝
紀元嘉九年九月妖賊趙廣寇益州陷沒郡縣州
府討平之碑云歲在壬申州境擾亂君收合精銳
肅清邊隅即指平趙廣之亂也遷寧州刺史在討
平趙廣之後攷元嘉十八年十二月晉寧太守爨
松子叛寧州刺史徐循討平之十九年十月以晉
寧太守周萬歲爲寧州刺史皆與龍顏同時終宋
之世寧州刺史之見於正史者前有應襲周籍之
後有桓閎尹懷順杜叔文符仲子費景緒費伯宏

諸人而不及龍顏豈當時聲教既遠朝廷任官不能久於其地龍顏獨步南境爲眾所推襲封遷秩或不待命與史稱梁時南圜州土民鬻瓚竊据一方國家遙授刺史後其子鬻震恃遠不服鬻翫降而復叛以碑證史則圜州爲鬻氏所據不始於梁因竊據而遙授之龍顏固開瓚震之先與歲在丙戌爲宋文帝元嘉二十三年龍顏年六十有一則其生在東晉孝武太元十一年丙戌安帝義熙十年舉秀才時年二十有九碑立於宋武帝大明二年圜龍顏沒時十二年矣圜州刺史加邛都縣侯南中志作成都誤碑額左右刻日月古所未見志

稱諸葛亮爲夷作圖先繪天地日月殆蠻俗遵之以弁石刻與此碑足冠六詔諸碑箸錄家所未見者予於嘉慶中得此碑搨本亟爲錄跋後數年讀札樸所載又十餘年爲道光丁亥阮農部自雲南拓寄并示跋尾附錄於後 桂未谷馥札樸云爨

氏見於載記者華陽國志昌黎大姓有爨習蜀志建寧大姓有交州刺史爨深梁武帝以爨瓚爲

州刺史有二子曰震曰翫隋開皇十七年翫反史

萬歲討降其子昉達唐武德中爲昆州刺史又垂

拱中昆州刺史爨乾福

見兩唐書張柬之傳

南詔碑有南寧

州都督爨歸王昆州刺史爨日進梨州刺史爨祺

螺山大鬼主爨彥昌南園州大鬼主爨崇道至後
晉有爨判借與段思平兵以敗楊干貞是爨氏自
魏歷十數代未衰故謂之大姓碑中多假借及別
體字如紹蹤作紹縱鉞斧作越斧簪纓作振纓九
列作九例采石作菜石幢蓋作幢愷班作斑匪作
逕淵作淵匠作近驕作驕爨作爨兩顯字並
作顯集古錄云漢綏民校尉熊君碑書顯字皆爲
顯莫曉其義馥案濕水禹貢孟子漢書地理志並
作溧字蓋隸變爲累也謚从益不从盆與魯峻
碑同戴侗曰唐本說文有謚無諡是从益爲正體
可證說文之誤碑陰幹即幹字漢碑陰亦有之洪

氏隸續言之詳矣其頌以闔哲殺與邇外會襄爲
韻案殺廣韻音所界切禮器不豐不殺卽此音曹
植黃帝贊以哲韻制王粲誄以闔韻又是也又以
霜藏傷與融躬蹤功爲韻案東方朔七諫以當韻
功陳琳賦以邇韻躬陸雲陸府君誄以章韻蹤可
爲比照也 阮賜卿福跋尾云案三國漢建興二
年改益州郡置建寧郡晉置寧州建寧郡及同樂
縣劉宋因之當卽今曲靖府地同樂縣其卽陸涼
州晉寧郡當卽今晉寧州雲南府地也爨姓始見
戰國策魏有爨襄鄭樵通志爨出晉昌後漢河南
尹爨肅見謝承後漢書碑云迺祖肅魏尚書僕射

河南尹君尚書之因孫與通志所引謝書正合又
華陽國志載諸葛武侯南征收建寧爨習官至領
軍習仕蜀漢與肅仕曹魏同時龍顏爲肅因孫則
非習裔矣唐書兩爨蠻傳自曲州靖州西南昆川
曲輒晉寧喻獻安寧距龍和城通謂之西爨白蠻
自彌鹿升麻二州南至步頭謂之東爨烏蠻今曲
靖已在雲南省治之東唐時謂之西爨然則東爨
當在今貴州興義府普安廳等地卽碑所云東西
二境今曲靖之白黑獠羅皆二爨之苗裔也碑末
書匠碑益州杜葭子卽前所云故吏巴郡杜葭子
迺監造碑刻之人非碑匠也大明宋書作大明蓋

孝武之大明讀如太也頌用易蹇蹇匪躬作鸛鸛
自是彼時文字俗異非周易有此異文

碑容貌作猥猥乃貍之譌英雄英哲作瑛說文
瑛訓玉光誼可通用漢綏民校尉熊君碑攬瑛
雄之迹兮平都相蔣君碑口濟清瑛郭仲奇碑
翼翼瑛彥皆作瑛也高年作亨古只用亨杜長
子前作長後作萇論語公冶長史記索隱引家
語作萇萇本萇楚字借爲長也前跋未及附識
之

陸增祥志

齊

妙相寺石佛題字

卷一 齊

石佛高八尺未攷正書三行字徑
寸許在浙江會稽縣妙相寺

齊永明六年大歲

戊辰於吳郡敬造

維衛尊佛

案齊世祖即位歲在壬戌明年癸亥改元永明六年戊辰乃北魏高祖太和十二年也元和郡縣志後漢順帝時陽羨令周嘉上書以吳越二國周旋一萬一千里浙江山川險絕求得分置遂分浙江以西爲吳郡以東爲會稽郡自晉至陳又于此置東陽州隋平陳改東陽州爲吳州大業元年改爲越州此南齊石刻而稱吳郡或當時嘗有改并而

史乘失載與

後魏

營州刺史高貞碑

裴本高廣行字未詳
在山東德州學宮

魏故驩驤將軍營州刺史高使君懿侯碑銘

君諱貞字羽真勃海蓁人也其先蓋帝炎氏之苗稟昔
在黃唐是爲四嶽爰逮伯夷受命于虞舜曰典朕□□
□□暨呂尚佐周克殷有大功於天下位爲太師俾
侯齊國世世勿絕表乎東海其公族有高子者卽其氏
焉自茲已降冠冕繼及世濟其德不賁其名祖左光祿
大夫勃海敬公純嘏所鍾式誕

文昭皇太后是

爲世宗武皇帝之外祖孝安東將軍青州刺史莊公有
行有禮克荷克構卽

文昭皇太后之第二兄也

君稟岐嶷之姿挺珪璋之質清暈發於載卡秀悟□乎
齒齒黃中通理之名卓尔不羣之目固已殊異公族見
稱於匠□至於孝以事親則白華不能比其潔友于兄
弟則常棣無以方其盛敬讓著自閭閻信義行於瑤黨
若夫秉心塞淵砥礪名教伏膺文武不肅而成則綴軌
於前脩同頌於先達者矣雖綺繡紉粹英華於王許龍
馬流車陸離於陰鄧而不以富貴驕人必以謙虛業已
是故夷門識慕蹇步知歸我德如風物應如響弱冠以
外域令望除秘書郎倅隣閣而來儀瞻石渠而式踐於

是縱容按文之職。飛鵠鷺之間。容止此而可觀清風。
茲焉已稔。既而重離再朗。東朝始建。杞梓徧陳。瑤金必
剖。僉求其可。帝曰。尔諧選太子。洗馬夙夜。惟資媚茲。儲
后。仰敷四德之美。式揚三善之功。同禁聰坊。亡有出其
右也。于時六宮□□百姓未繁□□大羗同踰華似以
君姊有神表。淵問拜爲皇后。君戚愈重□□冲寵日益
擢。日損由是有少君退讓之風。無□淵媯奢之患。故并
井之望具瞻。允集損幹之期。匪朝伊暮。而不幸短命春
秋。廿有六。以延昌三年歲次甲午□月巳卯朔廿六日
乙巳。遇疾卒於京師。二宮悲慟。九族悼傷。同位駿奔。遐
爾必至。天子迺詔有司曰。故太子洗馬高貞□業

始茂方加榮級而秀穎未實奄彫夏彩今宅兆有期宜
蒙追陟可特贈驪驤將軍營州刺史以旌倬儔其墓□
所湏悉仰本州營辦臨塋又特給東園龍輜加謚曰懿
凡我僚舊爰及邦人咸以君生而玉質至美也幼若老
成至慧也孝友回心至行也□□□□至謙也君以此
終而以此始烏可廢而不錄使來者無聞焉迺相與採
石名山樹碑墓道其詞曰 屬緒皇□□□□□堯咨
四嶽□□□□惟高惟□世□龍光自茲□氏不實其
芳於鑠光祿饗茲戩蔡并矣安東純嘏斯屬或女或妹
匪娥伊僕陟彼昭陽光我邦族山川降祉餘慶不已敬
公之孫莊公之子如姁如瑩爲山伊始人知其進莫見

其止古人有言膏粱難正於乎我君終和且令牧已謙
謙與物無競孝友回心能久能敬爰始來儀濯纓鱗沼
翮羽儲局其容皎皎方搏九霄載飛載矯天道如何是
口是天生榮死哀禮有加數曷用寵終英英旂輅其人
雖注其風可慕固石一刊清徽永鑄

大代正光四年歲次癸卯口管黃鍾六口口口口口口口口口口

嘉慶丙寅歲王孝廉保訓告我德州衛河第三屯出
魏高貞碑與知州原遜志庫大使沈志水移置學宮
山東督糧道孫星衍記

右碑文正書廿四行行四十六字篆額攷益州太守

高頤碑敘其先出顓頊裔孫逢伯陵佐殷湯有功食采齊口樂邑世爲正卿氏采建姓至高爲桓公將南陽之師而成魯美於春秋予攷樂邑上所闕當是高字至爲桓公將師成魯者乃高傒其語本春秋閔公二年公羊傳而通志氏族畧及通鑑魏紀注路史國名紀皆引風俗通高堂氏齊卿高敞仲食采於高因氏焉廣韻謂高姓齊太公六世孫文公赤生公子高孫傒爲齊上卿與管仲合諸侯有功桓公命傒以王父字爲氏食采於盧謚曰敬仲與高頤碑廣韻等書不合惟云出太公之後與廣韻合此碑所云高子即高傒其言爲呂尚公族與廣韻史表言齊太公之後

同而又謂太公爲炎帝之裔四嶽伯夷之後則又與高頤碑異尚書舜典有能典朕三禮僉曰伯夷孔傳云伯夷臣名姜姓正義引鄭語云姜伯夷之後也然則此碑以呂尚出伯夷之後與孔傳合矣惟攷史記齊太公世家云其先祖嘗爲四嶽佐禹平水土甚有功虞夏之際封於呂本姓姜氏從其封姓又說文云昔太嶽爲禹心呂之臣故封呂姓皆不言伯夷又碑云渤海脩人廣韻言高有五望一曰渤海也其云祖左光祿大夫渤海敬公者高颺也祖安東將軍青州刺史者高偃也並見魏書外戚高肇傳然史言偃之謚爲莊侯而非公自當以碑爲正碑又云以君姊有

神表淑問拜爲皇后者即世宗之宣武皇后也世宗初納爲貴人後拜爲后肅宗即位又尊爲皇太后尋爲尼於瑤光寺神龜元年暴崩於寺殯葬皆以尼禮此碑立於正光四年已在神龜元年之後四年而碑但言其爲皇后不及其尊號爲皇太后者或以貞之卒尚在延昌三年故也然碑於前已稱世宗武皇帝則撰碑之時自當據正光時爲稱而碑乃不及者豈以其終於爲尼欲爲肅宗諱之邪

古泉山館金石文編

萃編僅存其目編中未錄今據揭本補之案貞卒於宣武延昌三年甲午建碑於孝明正光四年癸卯碑題稱魏後稱大代者魏書崔浩傳以始封代

土後稱爲魏故代魏兼用猶彼殷商集古錄金石錄並有太延五年大代修華嶽廟碑又太和二年始平公造像記云暨于大代延昌三年司馬景和妻墓志銘首稱魏代蓋皆不忘本始之意可與史傳相證也又魏書外戚傳高肇父颺高祖納其女是爲文昭皇后生世宗景明初贈颺左光祿大夫賜爵渤海公謚曰敬肇長兄琨琨弟偃正始中贈偃安東將軍都督青州刺史謚曰莊是貞爲高颺之孫高偃之子偃爲文昭皇后第二兄皇后傳以爲弟者誤也高偃傳景明四年世宗納其女爲貴嬪永平二年立爲皇后

通鑑梁天監二年魏主納高肇兄偃女爲貴嬪正當

景明四年天監七年七月魏立高貴即碑所稱以
曠爲皇后則是永平元年非二年矣
君姊有神表淑問拜爲皇后也壬辰歲十月魏改
元延昌立皇子翊爲太子貞遷洗馬當即其時唐
書宰相世系表後漢渤海太守高洪居渤海碯縣
肇即其後故貞爲渤海脩人元和郡縣志河北道
德州碯縣本漢條縣即條侯國屬信都後漢屬渤
海郡晉改條爲脩隋廢渤海郡改脩爲碯屬觀州
唐貞觀中觀州廢改屬德州此碑與高植高湛二
誌皆出於德州衛河第三屯即高氏墓所案漢書
地理志勃海郡有脩市縣侯國應劭讀脩爲條又
信都國有脩縣顏氏亦音條周亞夫封條侯功臣

表作脩侯續漢書郡國志勃海郡有脩縣屬信都而無脩市疑併入脩縣矣宋書州郡志始以脩爲隋魏書州郡志仍作脩與此碑正合而高湖高聰高肇等傳皆書渤海脩人蓋脩脩通用已久非改于隋此碑勃海脩人高植志勃海脩人高湛志勃海脩人脩脩滌滌古皆通用北朝碑刻偏旁不多作彳碑中勃作勃脩作脩龍作龍裔作裏冕作冕暉作暉高湛碑同與威作威麟作麟備作備寅作寅黃美作美聯作聰寵作寵短作短旌作旌厥作厥穀作穀旂作旂並異文從容作縱容驕奢作嬌奢通借字也下別體作卡與弁通載卡即載弁孝文

太和十八年弔比干文執垂益而談卡亦卽卞字
通辨或釋卡爲弄非頑卽規本从頁从矢因譌作
頑魏書世祖紀始光二年造新字千餘頒下遠近
永爲楷式豈卽當時新字歟

碑云己卯朔廿六日乙巳案乙巳是廿七日云
廿六日者猶言越廿六日也它碑亦間有之黃
唐卽皇唐伏膺卽服膺遐爾卽遐邇皆古通如
矯如堂以矯爲琇膏梁難正以梁爲梁皆別體
其規之作頑者矢旁作𠂔此涉筆偶誤又或石
有微泐耳非从无也碑中矯字偏旁正作𠂔也

魏氏造象碑側

正碑已載萃編此刻碑側上截二行行五字中截五行行六字下截七行行三十五字在陝西富平縣

邑貴魏豐

邑主魏始

以上兩行刻上截

正光五年歲次甲辰六月朔日合邑

下

以上刻中截

造其極已如損身願既成已要无上之道行悲
七元之願既成已要无上之道行悲
已蔽蒙惑之類三會永二聖沈淪苦海覓若所趣唯馮

□遂取名石延及陆匠造像一區運□□□□□□

□□□□□□□□□□□□□□□□□□□□□□

等捨身受□值佛□□□□□□□□□□□□□□

□□□□□□□□□□□□□□□□□□□□□□

以下皆不可辨
以上刻下截

案此因魏氏造象而記于碑側時爲北魏孝明帝
正光五年萃編以造象碑附西魏大統之後未見
碑側所題歲月也六月下所缺以通鑑目錄攷之
當是庚辰二字